

Huw Irranca-Davies AS/MS
Y Dirprwy Brif Weinidog ac Ysgrifennydd y Cabinet dros
Newid Hinsawdd a Materion Gwledig
Deputy First Minister and Cabinet Secretary for Climate
Change and Rural Affairs



Llywodraeth Cymru
Welsh Government

Ein cyf/Our ref: MA/HIDCC/0183/25

Andrew RT Davies AS
Pwyllgor yr Economi, Masnach a Materion Gwledig
Senedd Cymru
Bae Caerdydd
Caerdydd
CF99 1SN
SeneddEconomy@senedd.cymru

2 Ebrill 2025

Annwyl Andrew,

Rheoliadau Gwaharddiadau Ifori (Esemptiadau) (Proses a Gweithdrefn) (Diwygio) 2025

Hoffwn hysbysu'r Pwyllgor o'm bwriad i roi caniatâd i Weinidog Defra dros Les Anifeiliaid a Boddlogelwch, y Farwnes Hayman o Ullock wneud Rheoliadau Gwaharddiadau Ifori (Esemptiadau) (Proses a Gweithdrefn) (Diwygio) 2025 ("OS 2025"). Byddwch yn ymwybodol, ar adeg ysgrifennu, nad oedd fy swyddogion wedi derbyn fersiwn derfynol o'r offeryn.

Mae OS 2025 yn cael ei gwneud i ddiwygio Atodlen 1 (Sefydliadau Rhagnodedig) i Reoliadau Gwaharddiadau Ifori (Esemptiadau) (Proses a Gweithdrefn) 2022 (O.S. 2022/94) ("OS 2022").

Bydd OS 2025 yn ychwanegu tair enw ychwanegol at y rhestr o sefydliadau sydd â'r wybodaeth a'r arbenigedd angenrheidiol i roi cyngor i'r Ysgrifennydd Gwladol ar geisiadau am dystysgrifau esemptio o dan Adran 2 i Ddeddf Ifori 2018 ("y Ddeddf"). Mae'r rhain fel a ganlyn:

- Amgueddfeydd ac Oriolau Cenedlaethol ar Lannau Mersi;
- Amgueddfeydd ac Oriolau Cenedlaethol Gogledd Iwerddon; a
- Amgueddfa Genedlaethol Cymru

Pwrpas trosfwaol y Ddeddf yw gwahardd gweithgareddau masnachol sy'n ymwneud ag ifori yn y DU, a mewnfario ac ailallfario ifori at ddibenion masnachol i'r DU ac oddi yno.

Mae'r Ddeddf yn gwahardd masnachu eitemau a wneir o ifori, neu sy'n ei gynnwys, gydag esemptiadau cyfyngedig ar gyfer masnachu eitemau ifori nad ydynt yn cyfrannu'n uniongyrchol neu'n anuniongyrchol at botsio rhywogaethau ifori yn barhaus. Mae Adran 2

Canolfan Cyswllt Cyntaf / First Point of Contact Centre:
0300 0604400

Bae Caerdydd • Cardiff Bay
Caerdydd • Cardiff
CF99 1SN

Gohebiaeth.Huw.Irranca-Davies@llyw.cymru
Correspondence.Huw.Irranca-Davies@gov.wales

Rydym yn croesawu derbyn gohebiaeth yn Gymraeg. Byddwn yn ateb gohebiaeth a dderbynnir yn Gymraeg yn Gymraeg ac ni fydd gohebu yn Gymraeg yn arwain at oedi.

We welcome receiving correspondence in Welsh. Any correspondence received in Welsh will be answered in Welsh and corresponding in Welsh will not lead to a delay in responding.

o'r Ddeddf yn darparu ar gyfer esemptiad ar gyfer eitemau ifori cyn 1918 o werth artistig, diwylliannol neu hanesyddol eithriadol o uchel.

Rwy'n falch bod amgueddfa yng Nghymru yn cael ei hychwanegu at y rhestr o 'Sefydliadau Rhagnodedig'. Mae gan Gymru dreftadaeth ddiwylliannol gyfoethog a thrwy gydnabod arbenigedd Amgueddfa Genedlaethol Cymru, mae'r OS yn rhoi gwell mynediad i aseswyr ar gyfer pobl Cymru.

Hoffwn sicrhau'r Pwyllgor hwn mai polisi Llywodraeth Cymru fel arfer yw deddfu dros Gymru ar faterion o fewn cymhwysedd datganoledig. Fodd bynnag, mewn rhai amgylchiadau, mae manteision i gydweithio â Llywodraeth y DU pan fo sail resymegol glir dros wneud hynny. Mae'r DU wedi bod yn defnyddio dull unfurf o'r polisi hwn ers blynyddoedd lawer a bydd alinio parhaus yn arwain at ychwanegu sefydliad Cymreig at y rhestr o 'Sefydliadau Rhagnodedig'. Bydd hyn yn sicrhau bod perchenogion a masnachwyr eitemau ifori sy'n preswyllo yng Nghymru yn cael y cyfle i drefnu bod eu heitemau yn cael eu hasesu yng Nghymru, ac o bosibl drwy gyfrwng y Gymraeg. Nid yw'n glir ar hyn o bryd a allai hyn ddigwydd heb gydsyniad Gweinidogion Cymru. Er y gallai OS Cymreig gyflawni yr un canlyniad credaf yn gryf fod y manteision sydd ynghlwm wrth roi cydsyniad i OS y DU yn gwrthbwysu'n sylweddol y risgiau. Dyma'r dull mwyaf synhwyrol o sicrhau bod y polisi cymeradwy yn cael ei weithredu'n gyson heb unrhyw risg o wyro, o safbwynt polisi ac amseru.

Gosodwyd y Rheoliadau gerbron Senedd y DU ar 23 Ebrill 2025, gan ddefnyddio'r weithdrefn negyddol.

Rwyf hefyd wedi anfon copi o'r llythyr hwn at Gadeiryddion y Pwyllgor Deddfwriaeth, Cyfiawnder a'r Cyfansoddiad, a'r Pwyllgor Diwylliant, Cyfathrebu, y Gymraeg, Chwaraeon a Chysylltiadau Rhyngwladol.

Yn gywir,



Huw Irranca-Davies AS/MS

Y Dirprwy Brif Weinidog ac Ysgrifennydd y Cabinet dros Newid Hinsawdd
a Materion Gwledig

Deputy First Minister and Cabinet Secretary for Climate Change and Rural Affairs